

MENZIARAH ANWAR
Chedet.cc
11 Januari 2018
Tun Dr Mahathir Mohamad

1. Saya tidak dapat menziarahi Dato' Sri Anwar di Hospital Cheras. Saya diberitahu Menteri Dalam Negeri telah mengarah pejabat penjara supaya tidak membenarkan saya ziarah Dato' Sri Anwar.

2. Saya kecewa dan sedih. Apakah yang sudah jadi pada negara kita ini. Tidak pernah mana-mana Perdana Menteri Malaysia sebelum ini melarang sebarang lawatan untuk berjumpa pesakit atau banduan, samada ia ahli politik atau orang biasa. Saya, semasa menjadi Perdana Menteri, tidak pernah menghalang mana-mana banduan, termasuk Dato' Sri Anwar, diziarahi oleh sesiapa.

3. Tetapi sekarang sudah ada arahan ini khusus bagi saya.

4. Tujuan saya menziarah hanya untuk ucap terima kasih kerana Anwar telah bersetuju dengan cadangan Pakatan Harapan untuk saya dinamakan calon Perdana Menteri jika kami menang.

5. Dalam gabungan empat buah parti ini, kita bersetuju semua keputusan dibuat secara konsensus iaitu dengan dipersetujui oleh semua empat parti. Jika ada mana-mana satu parti tidak bersetuju, keputusan tidak akan diterima sebagai keputusan Pakatan Harapan.

6. Apabila saya dicalon sebagai bakal Perdana Menteri untuk Pakatan Harapan, tiga buah parti bersetuju, tetapi Parti Keadilan Rakyat (PKR) tidak membuat keputusan.

7. Namun pada saat terakhir PKR bersetuju. Saya percaya masa yang panjang yang diambil oleh PKR ialah kerana tidak senang dengan saya, yang menjadi PM diwaktu Anwar dipenjarakan.

8. Memendek cerita akhirnya PKR bersetuju. Saya percaya persetujuan ini adalah oleh kerana pengasas PKR, Dato' Sri Anwar dapat mengatasi perasaannya dan mengutamakan kepentingan negara lebih dari perasaan diri sendiri. Jelas Anwar, seperti semua kami dalam PH mengutamakan penyingkiran Najib lebih mustahak dari permusuhan antara kami dahulu.

9. Bukan mudah bagi Anwar terutamanya. Tetapi jelas Anwar utamakan negara lebih dari dirinya.

10. Parti-parti lawan tidak pernah mengalahkan gabungan 13 buah parti dalam BN. Sebabnya ialah kerana parti lawan tidak dapat betul-betul bekerjasama antara mereka.

11. Hanya jika ada pakatan yang kuat hasil keikhlasan dalam bekerjasama antara parti lawan, barulah mereka berkemungkinan kalahkan BN.

12. Dengan Keadilan memenuhi syarat konsensus empat buah parti lawan, kemenangan PH menjadi lebih cerah.

13. Sebab itulah saya ingin ucap terima kasih sendiri kepada Anwar. Saya perlu hanya satu minit sahaja untuk berjumpa, tidak lebih. Tidak ada niat bercakap berkenaan politik.

14. Lagipun semua orang tahu perlantikan saya akan menentukan kekalahan Pakatan Harapan. Bukankah Institute of Strategic and International Studies Senior Fellow Sholto Byrnes telah berkata pencalonan saya bermakna Pakatan telah ambil satu langkah kebelakang. Apalah nak takut sangat perjumpaan saya dengan Anwar. Tentulah ia akan jadi satu lagi langkah kebelakang oleh Pakatan Harapan.

14 thoughts on "MENZIARAH ANWAR"

Log in to Reply sibotak Jan 15,2018 7:57 AM

Tak payah PRU

Mari kita lihat bagaimana reaksi rakyat

Mari kita lihat dengan mata kita sendiri

Tun Mahthir & Isteri dan Datin Siti Hasnah

DENGAN

Tun Najib & Isteri dan Datin Rosmah Mansor

Berjalan bersama di Mall yg sibuk serentak

Mari kita tengok sambutan rakyat terhadap di antara 2 mempelai ini

Mari kita goncang dadu dan tengok ...siapa yg menang !

Log in to Reply Ali Akbar Hashim Jan 15,2018 3:18 AM

Tuan yang dihormati,

Pertama kali menulis dalam Bahasa Melayu

Kalau ada kesalahan minta dibetulkan

Terjemahan Surah Al Maidah ayat 51 dalam Bahasa Roman

"O ye who believe! Take not the Jews and Christians for friends.

They are friends one to another.

He among you who taketh them for friends is (one) of them.

Lo! Allah guideth not wrongdoing folk."

Terjemahan dalam Bahasa Melayu

Wahai orang-orang yang beriman!

Janganlah kamu mengambil orang-orang Yahudi dan Nasrani itu sebagai teman rapat kerana setengah mereka menjadi teman rapat kepada setengahnya yang lain

Dan sesiapa di antara kamu yang menjadikan mereka teman rapatnya, maka sesungguhnya dia adalah dari golongan mereka

SESUNGGUHNYA ALLAH TIDAK MEMBERIKAN PETUNJUK KEPADA KAUM YANG BERLAKU ZALIM

Saya ulangi Najib menjadi Perdana Menteri bukan atas merit

Ada yang lebih layak daripadanya tetapi dasar kronism Tuan telah menjadikan Najib sebagai Perdana Menteri

Saya menaruh harapan supaya kenyataan video Najib berbaiah kepada Trump dicetak dan disebarakan seantero dunia, seluruh pelosok kampung

Betolkan saya kalau saya salah

Najib berbaiah dengan berkata Sesiapa musuh Amerika adalah musuh Malaysia juga

Kenyataan ini dicetak dalam banyak akhbar asing

Amerika mendukung Israel

Najib secara terang telah melanggar perintah Allah seperti ayat di atas

Najib adalah golongan mereka

Saya menyeru semua rakyat Malaysia dari semua golongan khususnya yang beragama ISLAM

Menolak Najib

Mufti dan Ulama beranilah bersuara

Raja-Raja turunkan Najib ini

Najib ini sudah melampau dengan berbaiah kepada musuh Islam

Najib tidak layak menjadi Perdana Menteri serta merta

Parti PAS yang mendukung perjuangan Islam juga disuruh menolak Najib

Parti UMNO juga disuruh menolak Najib ini

Supaya kita selamat dari laknat Allah

Parti PAS juga mesti dibubarkan kerana dalam Islam tiada sistem parti seperti yang diperjuangkan oleh PAS

MARILAH SEMUA BERSATU DALAM PAYONG PAKATAN HARAPAN MENOLAK NAJIB

Kawan kawan saya yang Bugis tidak seperti Najib ini

Orang Bugis banyak yang alim dan faham agama Islam

Orang Bugis malu dengan Najib ini

Log in to Reply Hajar Jan 14,2018 7:05 PM

Salam Yang Amat DiHormati dan DiSanjungi Tun,

1. Mengenai tempat bertanding, Tun wajar bertanding di Kedah atau Putrajaya.
2. Lebih wajar jika Tun bertanding di Kubang Pasu kerana kawasan ini memang lubuk Tun, dan saya amat yakin Tun tiada masalah untuk menang.
3. Tun jangan bertanding di Gombak atau tempat2 lain di Selangor (dan negeri2 selain Kedah). Tun mesti berhati-hati kerana penyokong2 PAS agak ramai di Selangor.
4. Tun juga mesti berwaspada dengan sesiapa sahaja yang mungkin masih tidak berpuas hati dengan perlantikan Tun sebagai bakal/calon PM jika PH menang. Semoga Tun berjaya.

Terima kasih Tun.

– Semoga Allah SWT sentiasa merahmati Tun sekeluarga –

Log in to Reply Dato' Jan 14,2018 2:18 PM

Petikan daripada Al-Quran, Yunus (10:52)

ثُمَّ قِيلَ لِلَّذِينَ ظَلَمُوا ذُوقُوا عَذَابَ الْخُلْدِ هَلْ تُجْزَوْنَ إِلَّا بِمَا كُنْتُمْ تَكْسِبُونَ

Thumma qeela lillatheena thalamoo thooqoo AAathaba alkhuldi hal tujzawna illa bima kuntum taksiboona

Kemudian dikatakan lagi kepada orang-orang yang berlaku zalim itu: "Rasakanlah azab yang kekal. Tidaklah kamu dibalas melainkan dengan apa yang kamu usahakan (di dunia)".

—

<http://get.muslimpro.com>

Log in to Reply milshah Jan 14,2018 11:25 AM

Assalamualaikum Tun,

Isu pemilihan calon Perdana Menteri Pakatan Harapan telah pun selesai. Saya harap sekarang semua anggota Pakatan Harapan fokus kepada PRU 14 mengalahkan Najib. Kita sudah tidak ada masa bergaduh sesama sendiri.

PAS baru-baru ini berkata sebab tidak mahu sertai Harapan adalah ingin menjadi "king Maker". Dengan memenangi 40 kerusi, kedua-dua BN dan Harapan akan memberi apa sahaja kepada PAS untuk mendapat sokongan PAS untuk menubuhkan kerajaan.

Strategi ini tidak masuk akal. Kesemua pakar-pakar startegi politik mengatakan PAS akan kalah kesemua kerusi yang ditandingi. Jangan harapkan 40 kerusi, 10 kerusi pun belum tentu.

Strategi yang lebih tepat bagi PAS, adalah menjadi "spoiler" iaitu menafikan kemenangan Pakatan Harapan walaupun PAS juga akan turut kalah dengan memberi kemenangan kepada Najib. Dengan pengorbanan PAS ini, adalah diharapkan Najib akan tolong PAS jika Najib menang PRU nanti. Ini berdasarkan konsep "You help me, I help you".

Jadi tugas PAS dalam PRU 14 nanti, adalah sebagai "spoiler" dan bukanlah "king maker". Berkata guna strategy "king maker", hanyalah untuk membuat pengikut-pengikut PAS supaya terus sokong PAS.

Yang jelas, PAS lebih memihak kepada Najib berbanding Pakatan Harapan. Ini fakta jelas yang dapat dilihat semua orang.

Jadi mengundi PAS, hanyalah akan memastikan kerajaan Najib akan terus memerintah. Mengundi PAS samalah seperti mengundi Najib.

Log in to Reply musato Jan 14,2018 11:12 AM

Assalamualaikum Tun.

Masanya telah tiba. Beluncas menjadi rama rama.

Najib kata jarang orang diberi peluang untuk masuk ke makam Rasulullah saw.

Tapi pintu makam juga dibuka untuk saya. Dibawa bersama penyapu, disuruh sapu di celah celah lorong.

Tapi bagaimana mungkingku sapu sedangkan ia sememangnya tiada kotoran?

Untuk melangkah masuk pun ku segan ya Rasulullah.

Assalamualaikum ya Rasulallah.

Log in to Reply Hajar Jan 13,2018 9:55 PM

Salam Yang Amat DiHormati dan DiSanjungi Tun,

1. Nampak sangat rejim Najib takut dengan banyang-bayang mereka sendiri kerana tidak bersikap profesional. Walaupun saya bukan penyokong DS Anwar, amat tidak patut bila Tun tidak dibenarkan untuk melawat beliau di hospital.

2. Apapun, SYABAS kepada Tun kerana dicalonkan sebagai bakal Perdana Menteri untuk Pakatan Harapan (jika menang). Hakikat ini amat menggerunkan pihak BN berdasarkan rekod cemerlang Tun dalam 5 PRU yang lepas.

3. Saya doakan (setiap hari) semoga Tun dilantik menjadi PM Malaysia yang ke-7. Amin...

Terima kasih Tun.

– Semoga Allah SWT sentiasa merahmati Tun sekeluarga –

Log in to Reply Dato' Jan 13,2018 3:49 AM

Petulant Al-Quran, Durah Saba Ayat 37. Dan bukanlah harta benda kamu dan tidak juga anak pinak kamu yang mendampingi kamu di sisi Kami walau sedikitpun, kecuali orang-orang yang beriman dan beramal soleh, maka mereka itu akan beroleh balasan yang berlipat ganda disebabkan apa yang mereka telah kerjakan; dan mereka pula ditempatkan dalam mahligai-mahligai (di Syurga) dengan aman sentosa.

Log in to Reply Dato' Jan 12,2018 5:41 PM

Petikan daripada Al-Quran, Yunus (10:44)

إِنَّ اللَّهَ لَا يَظْلِمُ النَّاسَ شَيْئًا وَلَكِنَّ النَّاسَ أَنْفُسَهُمْ يَظْلِمُونَ

Inna Allaha la yathlimu alnasa shayan walakinna alnasa anfasahum yathlimoona

Sesungguhnya Allah tidak menganiaya manusia sedikitpun, akan tetapi manusia jualah yang menganiaya diri mereka sendiri.

—

<http://get.muslimpro.com>

Log in to Reply asahamat Jan 12,2018 2:57 PM

Assalamualaikum wbt Tun

Tun sekarang di mata Kjaan UMNO/BN sekadar rakyat biasa. Taraf Tun pd Tun tu, tidak ada nilainya. Depa saja nak bagi Tun hangat hati dan return that Tun title. Jika itu berlaku, depa mudah utk belash Tun sehingga boleh keluar perintah hantaq Tun balik "Kampung asai tokwan Tun". Tak apa Tun, terima semua itu dgn jiwa Negarawan besar. Tidak hilang bisa ular biar menyusur akar sekalipun.

(2) Tun tak dapat jumpa Anwar n utk ucap terima kasih, tidak mengapa n jangan sedih.
Nurul

Izzah dah sambut n tahu niat

Tun, pasti Anwar juga tahu dan akan terima. Inilah satu lagi sifat kenegarawan besar yg Tun demonstrate sekali lagi yg rakyat In Shaa Allah hormati.

(3) Kpd semua yg mengikuti

Bloq Tun, ayuh kita semua berdoa supaya Allah bukakan pintu hati Najib MO1 dan khasnya Tun Sri Rahah ie ibu Najib MO1 yg kini sedang Umrahan utk menasihati beliau supaya b great gentleman utk melakukan PRU 14 the most clean democratic way.

Log in to Reply sibotak Jan 12,2018 2:32 PM

Setelah lama berjuang , lama berkorban

Akhirnya Anwar sekerluarga

Berjaya

Berjaya bukan PRU

Tapi berjaya di hargai

Hingga Najib , Zahid , Nazri juga Tun masih menghargai

Anwar Ibrahim walau beliau masih menrengkok di Penjara

Apakah Hikmah disebalik semua peristiwa ini , ya Allah ?

Sebak hati ku , ya Allah

Mengalahkan Pergolakan cerita Tamil yg berbelit belit

Doa & Harap saya semuanya faham ini kehendaknya

Maka perlu memahami dan

" Berpegang teguh tali Allah ,Tidak berpecah sesama Ummah "

Dunia Islam di Hina , di Fitnah , di Zalimi

Dunia Islam jatuh di taraf yg paling hina , paling bawah sekarang

Umat Islam di bunuh dengan zalim

Di bakar hidup hidup , si Bayi kedengaran bunyi Bom saja sudah menangis teresak esak ,
Anak Kecil di Rogol ,di Bakar hidup hidup

Sang Ibu menangis tidak terhingga , Si dara di rogol bergilir gilir

Si jaka ,di bunuh dengan zalim , di beri habuan pada haiwan mereka

Umat Islam sekarang Pelarian meneduh mengemis di Tanah orang

Dalam keadaan sejuk ,panas , lapar ,dahaga , sensara yg amat

Maka itulah Najib

Tanah tidak bolih di jual untuk dapat kesenangan

Dengan Tanah kita perlu berusaha , berteduh untuk dapatkan kesenangan

Sudah Tertulis , Namun Manusia diwajibkan Berusaha

Untuk mencorak nasib sesuatu Kaum

Maka itu

Perlu dan di harapkan sebagai satu Doa

Semoga Pemimpin kita

Najib , Zahid , Tun , Anwar dan semua faham akan tujuan kita

Macamana kita bolih mencapai dan menolong saudara kita se Dunia

Sedangkan kita masih Sengketa

Log in to Reply rimba.emas Jan 11,2018 10:59 PM

Salam Tun.

1. Itulah namanya penjara. Lebih-labih lagi penjara di dunia. Ia di bina manusia itu sendiri. Sejarah sudah membuktikan penjara bukan di huni penjahat tetapi juga manusia yang teraniaya.

2. Kerana kelemahan manusia itu maka tercatat sejarah penjara ini pernah di huni oleh negarawan yang berjasa pada sesebuah negara malah pernah di huni seorang Rasul lantikan Allah s.w.t.

3. Ini semua satu ujian kepada PENGHUNI serta PENGENDALINYA dan semuanya bergantung kepada kekuatan keimanan seseorang itu.

4. Kehidupan penjara yang di bukukan tidak kira buku – buku ilmiah termasuk kitab – kitab agama menceritakan kepada kita untuk menjadi panduan atau iktibar kepada manusia masa kini.

5. Contohnya kepada Rasul pilihan Allah s.w.t Nabi Yusof a.s akan kekuatan keimanan untuk di contohi yang teraniaya pada seorang pemimpin yang zalim pada zamannya.

6. Begitu juga yang berlaku pada Allahyarham Tuan Guru ilmuan agama yang Rimba Emas berguru sekarang pernah teraniaya di penjara oleh pemimpin pada zamannya.

7. Di ceritakan ketika di dalam penjara kalau di ikutkan hati atau imosi pasti menyakitkan kerana terpisah dari dunia luar dengan kawalan yang tidak membahagiakan tuan punya diri.

8. Maka yang kuat iman selalunya menjurus kepada tuhan yang menjadikan manusia ini. Jiwa ini tidak di biarkan kosong lalu di isi dengan mendekati diri pada tuhan.

9. Tun , walaupun kecewa dengan keadaan ini mungkin ada hikmah di sebaliknya. Harap DSAI telah menerima hidayah hingga menerima Tun.

10. Ucapan terima kasih tanpa melihat panjangkan kepada tuhan di iringi doa kita pada yang maha berkuasa serta bersyukur akan nikmat keselamatan pada rakyat dan negara Malaysia.

11. Perlembagaan nyatakan Malaysia sebuah negara Islam. Hormatilah agama Islam kerana memberi peluang kepada kita berbilang bangsa dan agama hidup aman damai.

Wallahua'lam.

Log in to Reply sibotak Jan 11,2018 8:00 PM

Tun ada Peminat

Begitu juga Anwar Ibrahim ada penyokong setia beliau

Najib tidak ada penyokong . Yang suka Najib hanya Rosmah

Anggota UMNO turut menyokong beliau sebab beliau adalah Perdana Menteri

Itu pun atas dasar pengakuan Tun melantik Najib kerana mendiang Arwah Tun Razak dan Tun sendiri mengaku akan Kesilapan ini

Nama Tun akan di harumi Dunia

My Honor to be the First to name you

Tun Mahathir Mohamed

Man of the 21st Century

The Hero of Malaysia

Sudah 92 Tahun . Masih Berjuang untuk Negara

Terbukti dan nyata Tun berjuang untuk Malaysia

Bukan untuk beliau , bukan untuk anak beliau

Kalau untuk beliau , Tun sendiri yg minta Bersara dahulu

Rafidah Aziz sampai merayu menangis juga kebanyakan anaggota UMNO dulu

Limpahan Fitnah dari UMNO kononnya untuk Anak Tun si Mukhliz

Sudah terbukti kini jika Tun di pilih sekali lagi , Anwar Ibrahim bakal mengambil kedudukan Tun sebagai Perdana Menteri bukan si Mukhliz

Ada sesiapa yg dengar Tun cakap Mukhliz yg bakal menyandang PM setelah beliau kini ?

Najib memang tidak layak , tidak berkebolihan malah tidak Amanah

Malu saya sebagai Rakyat

Apabila Najib cuba membela diri beliau sebagai seorang PM

Sebagai seorang Professional persoalan Harga barang naikSalahkan Kerajaan

Beliau menggunakan Harga Kangkung turun , untuk membela diriHahaha

Nampak sangat Najib tidak layak malah tidak bertanggung jawab akan Kuasa yg di beri pada beliau

Di harap Tun bersama Anwar dapat Bersama demi Ummah

Semoga Sejahtera Negara Malaysia

Semoga UMMAH Malaysia jadi contoh pada Dunia Islam

Log in to Reply milshah Jan 11,2018 3:25 PM

Assalamualaikum Tun,

Alasan Tun tidak boleh melawat Anwar di penjara tidak dapat diterima. Bukankah Najib, Zahid dan Nazri boleh melawat Anwar? Ini pula seorang berumur 92 tahun yang pemimpin UMNO kata baling batu kaca tidak pecah? Kata boleh menang majoriti 2/3 dalam PRU 14. Tetapi dari segi tindakan dan herdikan non-stop pemimpin UMNO ke atas Tun sejak diumumkan calon Perdana Menteri nampak macam dah goyang dan terdesak. Relaks la. Tidak ada apa-apa yang hendak dirisaukan. BN yakin sangat kan menang PRU 14.

© 2018 Chedet — All Rights Reserved.

Source: <http://chedet.cc/?p=2749>